

Gvangjsih Minzcuz Bau

ganhhau: CN45-0036 B.2015 Nd.8 Ng.12 liggaeuq ietfeih nienz ndwenloeg ngeihbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3186期

Daengx Guek Minzyinvei Gwnzde Vah- cuengh Goksa Sawcuengh Yienhda

壮语文“炫”身全国民运会

Bonjbauq siusik (gicej Mungz Sugij) 8 nyied 9 hauh, daihcib gaiq daengx guek saujsu minzcuz conzdungj diyzuz yindungvei youq Neimungzgij Swcigih Ngozwdohsw Si hainduj gawjhengz. Cunghung Cunghyangh Cwngcigiz vejyenz, Gozvuyen fucunglij Liuz Yenzdungh, Daengx Guek Cwnghez Fucujisiz, Guekgya Minzvej cujyin Vangz Cwngvej camgya gaihmusiz.

Youq gwnz gaihmusiz, Gvangjsih、Ningzya、Sihsang、Sinhgyangh、Neimungzgij daengj 34 aen daibyaujdonz, daenj ndangdaenj minzcuz doxlwnz okciengz, faenbied

biujyienj 30 miux cung, gig miz minzcuz daegsaek.

Gvangjsih daibyaujdonz dwg aen daibyaujdonz okciengz ceiq gonq. Gyoengqde daenj ndangdaenj Bouxcuengh、Yauzcuz、Myauzcuz daengj, aeu fwngz beng fukvang haeuj ciengz, gwnz fukvang de aeu Sawcuengh Sawgun song cungj saw sij “Guengjsae Gak Cuz Yinzminz Gingq Daengx Guek Yinzminz”; youz sing yinhyoz 《Fwen Lumj Raemxdah Seizcin Lae》buenx, yienj gofoux minzcuz 《Mbanjranz Bouxcuengh Ndei Lailai》, gig miz daegsaek minzcuz gih raeuz.

Gyoengq daibyaujdonz cwngzyenz youq yienhciengz guh biujyienj de, doengzcae haenqrengz aeu Vahcuengh hemq “Guengjsae angq-coux mwngz”, sing hemq haprwenz gwnzmbwn Ngozwdohsw Diyzuz-cangz.

Gaihmusiz sat liux gawjhengz vwnzyi yienjok. Gih raeuz boux mehmbwk ciengqgo heuhguh Cinz Cinhyen, de aeu Vahcuengh ciengq 《Fwen Gingq Laeuj Bouxcuengh》, 40 lai boux hagseng Gvangjsih Minzcuz Dayoz yienj fouxnyenz, youq gwnz gaihmusiz neix, baenz diemjrongh hung ndeu.



Cungzcoj Si Saedhengz “Seiq Aen Gunghcwngz” Hawj Dieg Minzcuz Henzguek Doenghboux Senj Ok Suijgu Souh’ik

崇左市“四项工程”让边境民族地区水库移民受益

Bi’ gvaq, Cungzcoj Si saedhengz “seiq aen gunghcwngz”, haenqrengz gajnde dieg minzcuz henzguek gij swngchcanj swngghoz diuzgen gvendaengz doenghboux senj ok suiigu de. Daengx bi roengz 1982 fanh maenz, saedhengz suiigu yizminz gihcu sezsiz hanghmoeg 51 aen, ndawde, roenmbanj hanghmoeg 50 aen 61.75 goengleix, roengz 1972 fanh maenz; sokruz aen ndeu,

roengz 10 fanh maenz; hanghmoeg gvendaengz 6 aen yienh(gih), 1.38 fanh vunz daj dieg suiigu senj ok de souh’ik.

It dwg laebguh mbanj moq gunghcwngz. Hwnjguh haj aen mbanj suiigu yizminz moq, guh 2 diuz roen ndaw mbanj suiigu yizminz. Ngeih dwg laisou hanghmoeg. Fazcanj daegsaek canjyez, saedhengz ciengx ngwz,

ciengx gvi daengj “mbanj miz yiengh ndeu” suiigu yizminz laisou hanghmoeg. Sam dwg gyaunuz beizyin gunghcwngz. Daengx bi beizyin doenghboux senj ok suiigu 2000 vunzbaez, daezsang gyoengqde ra hong caux hong naengzlig. Seiq dwg “langhfai gyaunde” gensez gunghcwngz. Gajnde swngghdai vanzging ndaw langhfai.

(Lungz Yenyinh/隆艳英)

SIUSIK DINJ

简讯

● 8 nyied 4 hauh, 2015 nienz Sanhgyangh Duncuz Swciyen daih-roek gaiq lajmbanj vwnzyi comzyienj senj aeu hozdung youq ndaw yienh dalijdangz gawjhengz, ndaw yienhsingz miz 18 aen daibyaujdui camgya doxdax, yienj le gofoux、siujbinj、Heiqdung daengj lai aen cezmuiz, ndei yawj raixcaix, vunz lai yawj ndaej gig gvaqyinx.

(Gungh Bujangh)

● Geij ngoenz gonq, daihcibcaet gaiq Nanzningz gozci minzgohceiz hozdung sinhvwnz fazbuvei youq Nanzningz Densidaiz gawjhengz, fazbuvei lwnh le baez minzgohceiz neix miz maz hozdung, miz maz ndei yawj, baez hozdung neix yaek youq 9 nyied 17 hauh gawjhengz.

(Veiz Yenzfuz)

● Daengz 6 nyied daej, Yungz-suij Myauzcuz Swciyen nyinhdingh minzbinj minzmou giyez 80 aen, coengh gij giyez neix aeundaej daigvanj youhvei 33952 fanh maenz, ndaej cwngfuj boujdiep cienzngeanz leihsik 471.28 fanh maenz. Neix gig ndei dwk doidoengh daengx yienh minzcuz canjbinj minzcuz mouyi giyez cangquengh hwngfat.

(Fung Sauswh Veiz Yungzcinh)

● Bi’ gvaq 6 nyied, Dava Yauzcuz Swciyen hainduj youq Luzyej Yangh guh fuzbinz haifat “daengx yangh doihaeuj”, canjyez fuzbinz fazcanj baenaj gig lai. Bineix, aen yangh neix gaenq ndaem makitbya 1400 lai moux; ndaej mienxfei hawj dinfaex gosangh 270 fanh go, guh baenz gosangh dajndaem sifangih; ndaem makhwzdaux 4000 moux, laeb baenz 1000 moux makhwzdaux dajndaem sifangih.

(Veiz Bungzyen Veiz Cwz)

● Daj 2009 nienz daeuj, Lozcwngz Mulaujcu Swciyen gaenxmaenx coengh doenghboux ngamq gaujhnj dayoz nem dayozswng ndaw yozyau banh aeu swnghyenzdi banghag daigvanj, hawj ndaw yienh doenghboux hagseng ranz gungzhoj ndaej sim’ onj doeg dayoz. Daengz 2015 nienz 7 nyied daej, gyoepsuenq bang 11250 vunzbaez banh ndaej daigvanj 6700 lai fanh maenz.

(Mungz Cwngshwh)